

道門科範大全集卷之十一

廣成先生杜光庭刪定

靈寶太一祈雨儀

設醮行道

法事陞壇如式

都講舉各禮師存念如法

高功宣衛靈呪

五星列照 煥明五方 水星却災 木德致昌

榮感消禍 太白辟兵 鎮星四據 家國利亨

名刊玉簡 字錄帝房 乘鸞散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁和與道合真

都講舉鳴法鼓二十四通

高功發爐

無上三天玄元始三炁太上老君召出臣等

身中三五功曹左右官使者左右捧香驛龍

騎吏侍香金童傳言散花玉女五帝真符直

日香官各三十六人出出者嚴裝關啓此間

土地里城真官正神臣今設醮行事謹有某

州某伏為當境自屆陽春久愆膏雨夏云白 長風

久愆甘雨秋云自請臣等於某處開建靈寶

太一祈雨道場罷散設醮一十二分位仰祈

洪造俯察惠衷施甘露以霽流副黎元之瀝

望其諸誠懇具載青詞願得

太上十方正真生炁下降流入臣等身中令

臣所啓速達

上清紫微碧玉宮太一天帝御前

高功出受法錄治職靈官

謹出臣等身中五體真官功曹吏出上仙上

靈二官直使正一功曹左右官使者陰陽神

決吏科車赤符吏置風騎置吏驛馬上章吏

飛龍騎吏等官各二人出出者嚴裝顯服冠

帶垂纓整其威儀駐立臣前後左右左右官使

者持幢在前右官使者建節在後陽神決吏

立左陰神決吏立右狼吏虎賁察奸勾騎天

驃甲卒天丁力士咸受臣口中詞語分別關

啓此間土地正神監察考召甲子諸官君將

吏等同誠上啓

上清紫微碧玉宮太一天帝陛下陰陽主

宰一切威靈臣等夙慕真風早依至教敢殫

誠悃祇叩寧是今某以節候爽和致愆兩澤

實吏民之憂懼速懇禱以傾虔昭薦吉蠲冀

諧感應今則嚴科云畢芳醮嗣陳諒躬蠲以

丕臨鑒齋明之允格庶均道廢溥佑蒼黔功

曹使者飛龍騎吏以次分別速得上達臣等

誠惶誠恐頓首頓首激切之至謹啓以聞

都講舉請稱法位

具位臣某與臨壇官眾等謹同誠上啓

上清紫微碧玉宮太一天帝紫微碧玉宮

內院左仙龍王紫微碧玉宮內院右仙龍王

太一真官天順君太一清靈寶川真人東嶽

天齊仁聖帝江濟昭靈孚應威烈廣源王內

院直事一使者內院直事二使者內院直事

三使者日直功曹當所土地臣聞造化至仁

生物必思於成物吏民無告呼天終冀於回

天仰紫微北極之垣遡碧玉上清之境將祈

嘉澤俯罄凡衷伏望聖慈愍臣有救時之心

恕臣以瀆聖之罪辱臨寶座曲鑒丹衷俯伏

天階奉迎仙駕臣等無任瞻天望聖激切屏

營之至稽首再拜

降聖 上香 獻茶

具位臣某等謹同誠上啓

上清紫微碧玉宮太一天帝闔坐高真臣聞天地之於萬物均於生成陰陽之於四時不無差忒念農民之良苦乃雨澤之猶稽禾稼將至於焦枯倉箱曷望其豐積貧窮所迫將盜賊之肆行流轉無歸或父子之不保顧陰陽之為整豈天地之不仁政或乖方吏則有罪但知省懼猶冀哀矜伏願

上帝鑒觀列真降格驅六丁之將吏挽彼天河同四海之龍王霈茲法雨普霑一切大慰有情臣法衆等無任稽首再拜上香初獻酒

舉玉清樂 奏樂

臣等伏聞忠臣拜井地湧飛泉孝子居廬庭零甘露夫一節可稱尚關於聰聽何萬民無告獨外於仁私惟其神之所潛是以應之如響敢不肅懷祗懼對越威靈伏願廣推從欲之仁大布好生之德三年耕九年蓄似古之人五日兩十日風樂今之歲凡有懇悃敢不奏聞醮意青詞謹當宣奏

宣詞

按如詞言已伸宣奏精誠激切冒瀆天聰臣等伏聞雨施雲行造化有無方之益木饑火旱豐凶無一定之常麗乎數者雖不可逃事于誠者庶幾易動矧食貨係民生之本而陰陽惟人事之占思庶政之乖和宜常賜之示譴敢忘恐懼修省之念更整懇禱歸依之誠所冀忱恂少通淵妙惟皇上帝以生育長養而為功哀此下民俾鰥寡孤獨而得所庶寬官吏之責實賴神明之休臣與醮官無任傾虔稽首再拜上香亞進酒

舉上清樂 奏樂

臣等謹重誠上啓

上清紫微碧玉宮太一天帝合座高真臣聞道判三才有物總歸於覆載天經七政群生成在於照臨妙若難名誠焉可格切念一秋不雨千里如焚耒耨之利束手而無所施山川之神乞靈而莫之應惕然恐懼靡所歸投是用恭叩紫宸畢敷丹悃伏願聖真無間神化密移仰大帝之庭鼓雷霆而潤風雨

俾曾孫之稼多稷黍而如茨梁載歌豐年永安樂土臣與醮官無任激切懇禱之至稽首再拜上香終獻酒

舉太清樂 奏樂

臣謹重誠上啓

上清紫微碧玉宮太一天帝闔坐高真臣聞天有大德德本好生民罔常懷懷於樂土若天不雨則苗盡槁年不登則民有飢念千里之如焚憫三農之告病歲未期於無恙民敢釋於隱憂伏願攝彼威光師為慈惠乘時救旱施霖溥濟於方與俾俗蒙恩擊壤成歌於帝力所有疏文謹當宣讀

宣疏

都講舉重稱法位

具位臣某等謹同誠上啓

太一天帝闔坐高真臣聞峻若泰山尚容拳石注如滄海終納細流若蘋繁蘊藻可以薦神則齋戒沐浴亦能事帝荷神遊之肯降整仙仗以言旋禮不尚繁既盡再三之瀆神無常享願施終始之恩仰睇清霄俯躬拜送

臣與醮官無任攀戀之至稽首再拜莫湯

知磬舉送神頌

舉存神燒香

高功復爐

香官使者左右龍虎君侍香諸靈官當令臣

設醮之所自然生金液丹碧芝英百靈眾具

交會在此香火爐前上願高穹降福闔境蒙

恩十方仙童玉女接待香煙傳奏臣所啓速

達

上清紫微碧玉宮太一天帝 御前

寶花圓滿天尊 化財

向來 回向

太一清靈寶真人

太一真官天願君

紫微碧玉宮內院左龍王

上清紫微碧玉宮太一天帝

紫微碧玉宮內院右龍王

東嶽天齊仁聖帝

江濱廣源王

道門科範大全集卷之十一

道門科範大全集卷之十二

廣成先生杜光庭剛定

祈求雨雪儀

啓壇行道

法事陞壇如式

都講舉各禮師存念如法

高功宣衛靈呪

東方

九炁青天明星大神 煥照東鄉 洞映九門

轉燭陽光掃穢除氛 開明童子 號曰玄卿

備衛我軒上對帝君 收魔東妖 討捕兇群

奉承正道 赤書玉文 九天符命 攝龍驛傳

普天安鎮 我得飛仙 和與道合真

南方

三炁丹天煥景流光 熒星轉燭 洞照太陽

上有赤精 合契虛皇 開明靈童 號曰華房

總統火兵 備守玉堂 斬邪束妖 剪截魔王

北帝所承 風火莫當 流鈴交煥 翊衛壇場

正道流行 敢有巴狂 我事上功 坐運魁罡

億劫長存 保天無疆 和與道合真

西方

七炁素天太白流精 光耀金門 洞照太冥

中有素皇 號曰帝靈 保神安鎮 衛我身形

斷截邪源 王道正明 宮殿整肅 三景齊并

道合自然 飛昇紫庭 靈寶符命 普惠萬生

元皇正炁 來合我身 功加一切 天地咸寧

和與道合真

北方

五炁玄天元始徘徊 辰星煥爛 光耀太微

黑靈尊神 號曰層威 統冠飛天 仙裙羽衣

備衛五門 檢精捕非 敢有干試 豁落斬摧

玉符所告 神真八威 邪門閉塞 正道明開

映照我身 三光同輝 策空駕浮 舉形仙飛

和與道合真

中央

一炁黃天 調理乾坤 陶鎔陰陽 總統玄真

鎮星吐輝 流煥九天 開光童子 號曰天璘

元炁陽精 焰上朱煙 洞照天下 及臣等身

百邪摧落 殺鬼萬千 中山神呪 普天使然

五靈安鎮 身飛上仙 和與道合真